



ЎЗБЕКИСТОН ИҚТИСОДИЁТИГА ХОРИЖИЙ ИНВЕСТИЦИЯЛАРНИ ЖАЛБ ЭТИШДА РИВОЖЛАНГАН МАМЛАКАТЛАР ТАЖРИБАСИДАН ФОЙДАЛАНИШ

PhD, доц. **Жамолов Жўрабек Жамолович**

Tashkent Perfect University

ORCID: 0009-0005-0122-318X

jamolovjorabek39@gmail.com

Аннотация. Мақоламизда хорижий инвестицияларни мамлакатимиз иқтисодиётига жалб этиш бўйича дунёнинг ривожланган мамлакатлари, АҚШ, Хитой, Сингапур, Ирландия, Канада каби ривожланган ва ривожланаётган мамлакатлар тажрибаси ўрганилган, Хитой, Сингапур ва Ирландиянинг инвестицияларни жалб қилиш усуллари мамлакатимизда қўлланилиши бўйича таклифлар ишлаб чиқилган, жаҳон иқтисодиётига интеграциялашувни таъминлаш ва қимматли хомашёни қайта ишлаш асосида тайёр маҳсулот ишлаб чиқарадиган қўшма замонавий ихчам корхоналарни ташкил этиш учун тўғридан-тўғри хорижий инвестицияларни жалб этишни самарали ташкил этиш масалалари тўғрисида баён қилинган.

Калит сўзлар: “очиқ эшиклар” сиёсати, хорижий инвестиция, иқтисодий сиёсат, стратегия, экспорт имконияти, инвестиция фаолияти, инвестицион муҳит, инвестицион сиғим, инвестицион лойиҳалар, инвестицион жозибadorлик, инвестицион сиёсат.

ЭКОНОМИКА УЗБЕКИСТАНА ИНВЕСТИЦИИ В ИНОСТРАННУЮ ЭКОНОМИКУ ПРИВЛЕКАЮТ РАСТУЩУЮ СТРАНУ

PhD, доц. **Жамалов Жўрабек Жамолович**

Tashkent Perfect University

Аннотация. В нашей статье изучен опыт развитых и развивающихся стран, таких как развитые страны мира, США, Китай, Сингапур, Ирландия, Канада, по привлечению иностранных инвестиций в экономику нашей страны, разработаны предложения по применению методов привлечения инвестиций из Китая, Сингапура, Ирландии к наша страна, рассмотрены вопросы эффективной организации прямых иностранных инвестиций с целью обеспечения их интеграции в мировую экономику и создания совместных современных компактных предприятий, производящих готовую продукцию на основе переработки ценного сырья.

Ключевые слова: политика «открытых дверей», иностранные инвестиции, экономическая политика, стратегия, экспортные возможности, инвестиционная активность, инвестиционная среда, инвестиционная емкость, инвестиционные проекты, инвестиционная привлекательность, инвестиционная политика.

UZBEKISTAN'S ECONOMY INVESTMENTS IN THE FOREIGN ECONOMY ATTRACT A GROWING COUNTRY

PhD, assoc. prof. **Jamolov Jurabek Jamolovich**
Tashkent Perfect University

Abstract. Our article examines the experience of developed and developing countries, such as the developed countries of the world, the USA, China, Singapore, Ireland, Canada, in attracting foreign investment into our country's economy, developed proposals for the application of methods of attracting investment from China, Singapore, Ireland to our country, considered the issues of effective organization of foreign direct investment with the aim of ensuring their integration into the global economy and the creation of joint modern compact enterprises producing finished products based on the processing of valuable raw materials.

Keywords: open door policy, foreign investment, economic policy, strategy, export opportunities, investment activity, investment environment, investment capacity, investment projects, investment attractiveness, investment policy.

Кириш.

Хорижий мамлакатларда инвестицияларни жалб қилиш бўйича узоқ йиллик, кенг қўлланми тажрибалар мавжуд бўлиб, улар мазкур давлатдаги иқтисодий муҳит, инвестиция сиёсати, ҳуқуқий ва сиёсий шароитларга боғлиқ. Жумладан, АҚШ, Буюк Британия ва Германия каби баъзи мамлакатлар инвестицияларни жалб қилиш ва ўз иқтисодиётларини ривожлантириш бўйича узоқ ва муваффақиятли тарихга эга. Улар ривожланган инфратузилмаси, молиявий хизматлардан фойдаланиш қулайлиги, ҳуқуқий тизимнинг барқарорлиги ва бизнес юритишда минимал тўсиқлар мавжудлиги билан хорижий инвесторларни жалб қилмоқда. Бу мамлакатларда инвесторлар учун солиқ имтиёзлари ва преференциялар тизими ҳам мавжуд. Бошқа томондан, Хитой, Ҳиндистон ва Бразилия каби баъзи ривожланаётган давлатлар ҳам инвестицияларни фаол жалб қилмоқда, бироқ уларнинг усуллари ва ёндашувлари бир-биридан фарқ қилади. Улар одатда хорижий инвесторлар учун солиқ имтиёзлари ёки бюрократик тартибларни қисқартириш каби қулайроқ шарт-шароитларни таклиф қилади. Бундан ташқари, баъзи мамлакатлар юқори технологиялар ёки яшил энергия каби маълум соҳаларга инвестицияларни фаол жалб қилмоқда. Бундай стратегиялар инвесторларда катта қизиқиш уйғотмоқда, негаки улар юқори даромад олиш ва янги технологияларни ривожлантириш имкониятини беради.

Адабиётлар шарҳи.

Хорижий инвестицияларни жалб этишнинг иқтисодий мазмуни, моҳиятини ўрганишга бағишланган илмий адабиётлар қаторида хориж олимлари билан бир қаторда Ғарб олимларидан Макконнелл (1993) фикрича, инвестиция ишлаб чиқариш ва жамғариш воситалари асбоб-ускуналар, машина, завод-фабрика, транспорт воситалари, товар ва хизматларни истеъмолчига етказиб бериш тизими жараёнидир. Кэмбелл (1993) инвестицияларнинг туб моҳиятини ёритиб берган, инвестициялар – бу ишлаб чиқариш ва ишлаб-чиқариш воситаларини тўплаш ҳамда моддий заҳираларни кўпайтириш харажатларидир деб берилган таъриф амалий назарий жиҳатдан ифодалаб беради.

Розенберг (2007) ўзининг «Инвестициялар» луғатида инвестицияларга таъриф берар экан, инвестиция – кўпайтириш, даромад олиш ёки капитал ўстириш мақсадида пул сарфланишидир, деган фикрни юритади. Миллий иқтисодиётдаги инвестицияларнинг ролига баҳо бериб, россиялик иқтисодчи олим Михайлова (2007)

«инвестициялар келажакда даромад ёки ижтимоий самара олиш мақсадида капитални ҳар қандай шаклда қўйиш сифатида ифодаланади» деган фикрни илгари сурди.

Мамлакатимиз иқтисодчиларидан академик Ғуломовнинг (1997) фикрига кўра, инвестиция деб ҳар бир инвесторнинг ихтиёридаги молиявий, моддий, ва ақлий бойликларини бирламчи иқтисодий самара олиш мақсадида бирор – бир инвестицион объектга сарфлашига айтилади. Бу тушунча Ғозибеков (2003) берган таърифга кўра, инвестициялар ноаниқлик эҳтимоли бўлган ва келгусида кутилаётган қийматга капиталнинг аниқ бўлмаган бугунги қийматни алмаштиришдан иборат. Бунинг далили сифатида инвестицияларнинг сафарбар этилишида уларнинг онгли равишда аниқ ва ноаниқ бўлган қалтисликлар билан боғланишини келтиради. Бизнинг фикримизча, юқорида келтирилган муаллифларнинг «Инвестиция» тушунчасига берган таърифлари ҳозирги шароитга ва бозор иқтисодиёти талабларига мос келади. Барча таърифлар инвестициянинг иқтисодий мазмунини очиб берган.

Тадқиқот методологияси.

Хорижий инвестицияларни мамлакатимиз иқтисодиётга жалб этиш бўйича дунёнинг ривожланган мамлакатлари АҚШ, Хитой, Сингапур, Ирландия, Канада, каби ривожланган ва ривожланаётган мамлакатлар тажрибаси ўрганиш бўйича мавжуд бўлган илмий тадқиқотларни, статистик маълумотларни ва иқтисодий жиҳатдан таққослаш ва таҳлил қилиш, мантиқий фикрлаш, илмий абстракциялаш, маълумотни гуруҳлаш, анализ ва синтез, индукция ва дедукция усулларида кенг фойдаланилган.

Таҳлил ва натижалар муҳокамаси.

Хорижий инвестицияларни жалб қилишда жаҳон мамлакатлари тажрибаларида қуйидаги умумий йўللари ажратиб ўтиш мумкин:

- стратегик режалаштириш: Кўпгина мамлакатлар хорижий инвестицияларни жалб қилиш учун стратегик режалаштиришдан фойдаланадилар. Бу инвестицион муҳитда узоқ муддатли режаларни ишлаб чиқиш, устувор йўналишларни ва мақсадларни белгилаш, қулай иш ўрнини яратишни ўз ичига олади;
- тўғридан-тўғри хорижий инвестицияларни жалб қилиш: Жаҳондаги мамлакатлар тўғридан-тўғри хорижий инвестицияларни фаол равишда жалб қилиши ўз иқтисодиётларини ривожлантириш учун муҳимдир. Улар инвесторларга солиқ имтиёзлари, субсидиялар, кредит кафолатлари ва бошқа имтиёзларни таклиф қилади;
- яхшиланган инфратузилма: Инвесторлар кўпинча яхши йўللари, аэропортлар, портлар ва телекоммуникациялар каби ривожланган инфратузилмага эга мамлакатларни афзал кўрадилар. Инфратузилмани яхшилаш хорижий сармояни жалб қилишга ёрдам беради;
- рўйхатга қоидаларини соддалаштириш: Бу тадбиркорлик субъектларини рўйхатдан ўтказиш вақтини қисқартириш, рухсатномалар ва лицензиялар олиш тартибларини соддалаштириш ва ҳоказоларни ўз ичига олиши мумкин;
- инсон капитални ривожлантириш: Инвесторларни кўпинча малакали ишчи кучининг мавжудлиги жалб қилади. Таълим ва кадрлар тайёрлашни ривожлантириш мамлакатга хорижий инвестицияларни жалб қилиш ва иш ўринлари яратишга ёрдам беради;
- солиқ сиёсати: Солиқ сиёсатида преференциялар тизимини жорий этиш орқали хорижий инвесторларни жалб қилиш учун муҳим бўлиши мумкин. Баъзи мамлакатлар инвестицияларнинг айрим турлари бўйича солиқ таътиллари ёки солиқ имтиёзларини таклиф қилади.

Хорижий инвестицияларни жалб этишда ЭИХларни ташкил этиш энг мақбул йўл деб қараган давлатларни ажратиб кўрсатиш мумкин. Улар:

а) эркин тадбиркорлик ҳудудларини ташкил этиш - Ғарбий Европа мамлакатлари, Канада;

б) Хитой ва Россиянинг махсус иқтисодий ҳудудлари;

с) алоҳида имтиёзли ҳудудлар - Бразилия, Аргентина;

д) чегара ЭИХ – Россия, Хитой, Корея – чегаралар туташган жойда;

е) чегара ЭИХлар - негизда йирик қўшма лойиҳаларни амалга ошириш учун хом ашё ва ишлаб чиқариш қувватларидан фойдаланиш;

ж) Евроҳудудлар ташқи иқтисодий ҳамкорлигини ташкил этиш шаклидир. Бу бири билан ташқи иқтисодий алоқаларни фаоллаштириш учун турли давлатларнинг чегарадош ҳудудларини ихтиёрий равишда бирлаштириш (“Карпат”, “Померания” ва бошқа евроҳудудлар).

Хорижий инвестицияларни жалб этишда яна бошқа усул бу саноат парклари. Улар ўтган асрнинг 60-йилларининг бошларида пайдо бўлган, биринчиси Ирландиянинг Шаннон аэропортида яратилган. Улар ички ва ташқи бозорга йўналтирилган ишлаб чиқариш қувватларини ўз ичига олади. Бундай саноат парклари “янги саноати ривожланган мамлакатлар” учун хосдир - Бразилия, Индонезия, Таиланд ва бошқалар. Ривожланган давлатларда хорижий инвестицияларни жалб этишда илмий-техникавий йўналишга қаратилган ҳудудларни яратиш ҳам муҳим бўлган. Жумладан, технология-инновацион ҳудудлар - ўз-ўзидан шаклланган (АҚШ) ёки йирик илмий марказлар (Япония, Хитой) атрофида давлат ёрдами билан махсус яратилган ҳудудларни шаклланишини келтириш мумкин. Улар ягона солиқ ва молиявий имтиёзлар тизимидан фойдаланадиган миллий ва хорижий тадқиқот, лойиҳалаш ва илмий ишлаб чиқариш фирмаларини тўплайди.

Бундай ягона илмий-тадқиқот комплексига бирлаштирилган ҳудудлар қаторига:

а) технопарклар - масалан, Калифорниядаги “Silicon Valley” (кремний - инглизча кремний) - компьютерлар ва компьютер техникасини ишлаб чиқаришга қаратилган ҳудудлар;

б) технополислар (Япония) - махсус давлат дастурлари доирасида етакчи илмий ташкилотлар негизда ташкил этилган ҳудудлар;

с) инновацион марказлар ёки янги ва юқори технологияларни ривожлантириш ҳудудлари (Хитой) - фан ва техникани ривожлантириш бўйича давлат режаларини амалга ошириш жараёнида ташкил этилади. UNCTAD томонидан эълон қилиб келинаётган ҳисоботларда тўғридан-тўғри хорижий инвестициялар энг кўпи АҚШ, кейин Хитой мамлакатларига тўғри келишини кўриш мумкин (1-жадвал).

1-жадвал

**UNCTAD томонидан ривожланган мамлакатларининг 2013-2022 йиллар
оралиғида тўғридан-тўғри хорижий инвестицияларни ҳажми, миллион АҚШ
долларида (unctad.org, 2023)**

Мамлакат	Йиллар									
	2013	2014	2015	2016	2017	2018	2019	2020	2021	2022
АҚШ	201393	201733	467625	459419	308959	203234	229929	95882	387780	285057
Хитой	123911	128502	135577	133711	136315	138306	141225	149342	180957	189132
Гонконг	74294	113038	174353	117387	110685	104246	73714	134710	140186	117725
Сингапур	56672	73284	59700	67502	85369	73561	97484	72903	131151	141211
Канада	69368	59005	43836	36059	22767	37662	50544	26884	65659	52633
Ирландия	50610	48247	217866	39414	52835	12017	149433	76572	4930	1490

1-жадвал маълумотларини таҳлил қиладиган бўлсак, жаҳон мамлакатлари АҚШ, Хитой, Гонконг, Сингапур каби давлатларга инвестиция киритишни маъқул кўради, бунинг асосий сабаби, бизнингча, очиқ иқтисодиёт, ишлаб чиқариш учун мақбул инфратузилма мавжудлиги ва инвесторлар ҳуқуқларини ҳимояланишидир. Бу

инвесторларни жалб қилишда энг мақбул йўл ҳисобланади. Аммо ривожланган мамлакатларда 2020 ва 2022 йилларда тўғридан-тўғри хорижий инвестицияларни киритилиши бўйича пасайиш юз берганли, 2020 йилда бу ҳолат Covid-19 билан боғлиқ пандемия, 2022 йилда эса Россиянинг Украинага қарши ҳарбий ҳаракатлари сабабчи бўлганлигини эътироф этиш лозим. Умумий ҳолатда 10 йил давомида Хитой, Гонконг ва Сингапур давлатларида мос равишда 1,5, 1,6 ва 2,5 баробар тўғридан-тўғри хорижий инвестицияларни кириб келиши ошганлигини кўришимиз мумкин. UNCTAD томонидан эълон қилиб келинаётган ҳисоботларда МДХ (Озарбайжон, Грузия, Қозоғистон), Африка (Алжир, Судан) ва Лотин Америка (Чили, Колумбия) давлатларига тўғридан-тўғри хорижий инвестицияларни кириш ҳажмини кўриб ўтамиз (2-жадвал).

2-жадвал

UNCTAD томонидан ривожланаётган мамлакатларининг 2013-2022 йиллар оралиғида тўғридан-тўғри хорижий инвестицияларни ҳажми, миллион АҚШ долларида (unctad.org, 2023)

Мамлакат	Йиллар									
	2013	2014	2015	2016	2017	2018	2019	2020	2021	2022
Озарбайжон	2632	4430	4038	4500	2867	1403	1504	590	1242	2000
Грузия	1039	1837	1729	1654	1991	1352	1352	507	1708	4474
Қозоғистон	10321	8489	4057	8514	4714	3898	3284	3670	3337	6108
Алжир	1697	1507	585	1636	1232	1475	1382	1143	870	89
Судан	1688	1251	1728	1064	1065	1136	825	717	523	574
Чили	26303	25566	19764	13858	13701	13081	14403	10833	13194	19786
Колумбия	16210	16169	11621	10523	6695	11299	13989	7459	9381	17048

2-жадвал бизга 2013-2022 йиллар оралиғида ривожланаётган мамлакатларга хорижий инвестициялар кириш ҳажмини кўрсатиб турибди. Мазкур жадвални таҳлил қиладиган бўлсак, Лотин Америкаси давлатларига инвестициялар кириш даражаси юқорилигини кўришимиз мумкин. Сабаби Лотин Америка давлатлари АҚШ давлатига анча яқин, аллақачон йирик иқтисодий ўйинчига айланган. Булардан ташқари инвесторлар учун сиёсий барқарорлик кўрсаткичи билан жозибадордир. МДХ (Озарбайжон, Грузия, Қозоғистон), Африка (Алжир, Судан) давлатларига эса хорижий тўғридан-тўғри инвестицияларни кириши ҳам меъёрда деб ҳисоблаш мумкин, негаки улар бошқа мамлакатлар учун янги замин сифатида жозибадордир. Кўпгина ривожланаётган мамлакатларда фаол инновациялар, кўпроқ табиий ресурсларни қазиб олиш ва қайта ишлаш, телекоммуникация, ахборот технологиялари каби йўналишларга киритилиши кузатилмоқда.

Таҳлиллар кўрсатишича, 1995 йилда Хитой дунё бўйича капитални тўғридан-тўғри хорижий инвестициялар экспорт қилиш бўйича улуши атиги 0,4 фоизни ташкил этган бўлса, 2013 йилга келиб ушбу кўрсаткич 8,4 фоизга, 2022 йил натижалари бўйича эса 14,6 фоизни ташкил этди. Хитой турли стратегия ва усуллардан фойдаланган ҳолда хорижий инвестицияларни фаол жалб қилмоқда. Унинг инвестицияларни жалб этиш бўйича муваффақиятининг асосий омиллари - барқарор қонунчилик, шаффоф солиқ тизими ва давлат томонидан қўллаб-қувватловни ўз ичига олган қулай инвестицион муҳитнинг шаклланганлигидир. Бундан ташқари, Хитой хорижий инвестицияларни жалб қилиш учун Жаҳон банки, Осиё тараққиёт банки каби халқаро ташкилотлар ва молия институтлари билан фаол ҳамкорлик қилмоқда. Яна бир муҳим жиҳат - инфратузилмани ривожлантириш, кичик ва ўрта бизнесни ривожлантириш учун шарт-шароит яратишдир. Хитой дунёдаги энг йирик иқтисодиётлардан бири сифатида бутун дунёдан инвестицияларни жалб қилмоқда. Ўтган ўн йилликлар давомида Хитой халқаро инвестицияларни жалб қилишнинг узоқ ва қийин йўлини босиб ўтди. Қуйида биз Хитой иқтисодиётига муваффақиятли таъсири этган йўللари таҳлил этиб ўтамиз, улар:

1. Фарб мамлакатларига очилиш (1978-1992): 1978 йилда Хитой ўзининг ташқи иқтисодиётида сезиларли ўзгаришларни амалга ошириб, ислохотлар ва очиқлик сиёсатини бошлади. Хитой хорижий инвесторлар учун очиқ бўла бошлади, янги сиёсатлар, жумладан, кенг қўламли иқтисодий ислохотлар, тарифлар ва қувватларни пасайтириш ва инвесторларни жалб қилиш учун инвестицион кўرғазмаларни ўтказиш.

2. Махсус иқтисодий зоналарни ташкил этиш (1980-йиллар): 1980-йилларда Хитой хорижий инвесторларни жалб қилиш учун Шенчжен ва Сямен каби махсус иқтисодий ҳудудларни (ЭИХ) яратди. Ушбу ЭИХларда хорижий инвесторларни жалб қилиш учун махсус солиқ имтиёзлари, мулк ҳуқуқини кафолатлаш, тадбиркорлик фаолиятини юритишда қулайлик ва бошқа имтиёзлар назарда тутилган.

3. Тўғридан-тўғри хорижий инвестицияларни жалб қилиш (1990-йиллар): 1990-йилларда Хитой тўғридан-тўғри хорижий инвестицияларни фаол равишда жалб қилди. Хитой хорижий инвесторларни жалб қилиш учун миллий ҳукумат ислохотлари ва хусусийлаштириш дастурларини амалга оширди. Шунингдек, Хитой Жаҳон банки ва Халқаро валюта жамғармаси каби халқаро ташкилотлар билан сармоя ва молиявий қўмакларни жалб қилишда фаол ҳамкорлик қилди.

4. Жаҳон Савдо Ташкилотига (ЖСТ) кириш (2001): 2001 йилда Хитой ЖСТга аъзо бўлиб, мамлакатга жаҳон бозорларига чиқиш имкониятини берди ва ундан ҳам кўпроқ хорижий инвестицияларни жалб қилиш имконини берди. ЖСТга аъзо бўлиш Хитойни хорижий инвесторлар учун янада жозибадор қилди ва унинг иқтисодиёти ривожланишига ҳисса қўшди.

5. Бир камар ва бир йўл (2013 йилдан бери): 2013-йилда Хитой “Бир камар ва бир йўл” ташаббусини жорий қилди. Ушбу ташаббус Хитойни Европа, Осиё ва Африка билан боғлайдиган янги “Ипак йўли иқтисодий камари ва денгиз ипак йўли”ни яратишга қаратилган.

2020 йилда Хитойда қабул қилинган “Хорижий инвестициялар тўғрисидаги” қонуни инвестицияларни жалб этишда муҳим ўрин эгаллайди. Қонуннинг асосий тамойиллари қуйидагилардан иборат:

- Хитой жаҳондаги мамлакатлар билан ҳар томонлама мустаҳкам алоқасини ўрнатиш;
- давлат ташаббускор, лекин шу билан бирга тадбиркорлар билан ишончли шерикчилигини таъминлашга қаратилган;
- йирик экспорт потенциалини амалга ошириши ҳисобига жаҳон ҳамжамиятида Хитойнинг ишончли ҳамкор имижини ҳосил қилиш;
- тараққиётнинг инновацион асосда қурилиши ҳисобига ишлаб чиқаришнинг юқори маҳсулдорлигини таъминлаш.

Айнан шу жиҳатларни эътиборга олиб, хулоса қилиш мумкинки, Хитой хорижий инвестицияларни жалб қилиш бўйича етакчилардан бири ҳисобланади. Сўнгги йилларда Хитой ҳукумати инвестицион муҳитни яхшилашга қаратилган ислохотларни фаол давом эттирмоқда. Виза ва ишлаш учун рухсат олиш тартиб-таомиллари соддалаштирилди, хорижий инвесторлар учун солиқ имтиёзлари ва бошқа имтиёзлар берувчи махсус иқтисодий зоналар ташкил этилди. Бундан ташқари, Хитой халқаро савдо шартномаларида фаол иштирок этади, бу эса бошқа мамлакатлардан инвестиция жалб қилиш имконини беради. Юқорида келтирилган 2-жадвалда биз кўришимиз мумкинки, жамғарилган тўғридан-тўғри хорижий инвестицияларлар, 2018-2019 йиллар учун 20 та энг юқори рейтингга эга бўлган мамлакатлар орасида 5-ўринни Сингапур давлати эгалаган бўлиб, 2022 йилда 141 миллиард АҚШ доллари миқдорида тўғридан-тўғри хорижий инвестициялар жалб қилинган. Сингапур узоқ вақтдан бери мамлакатнинг иқтисодий ўсиши ва ривожланишини таъминлаш учун инвестицияларни жалб қилишга катта аҳамият бериб келади. Маҳаллий ва хорижий инвестицияларни жалб этиш бўйича турли йўналишларда қарорлар қабул қилиб, чора-тадбирларни амалга оширади. Сингапур ҳукумати бизнес ва инвестициялар учун барқарор, жозибали ва қулай муҳит яратиш мақсадида бир қанча сиёсат ва тадбирларни ишлаб чиқди ва

амалга оширди. Биринчи стратегиялардан бири “Сингапур иқтисодий ороли” деб номланувчи махсус иқтисодий ҳудудни яратиш эди. У инвесторларни жалб қилиш учун солиқ имтиёзлари, имтиёзли ижара шартлари ва чет эллик мулкчиликни чеклаш каби турли имтиёз ва имтиёзларни таклиф қилди. Бу қўлаб хорижий инвестициялар ва компанияларнинг кириб келишига олиб келди ва бу мамлакат иқтисодиётининг ривожланишига сезиларли ҳисса қўшди. Бундан ташқари, молия, туризм, технология ва биомедицина каби муҳим иқтисодиёт тармоқларини ривожлантириш ва рағбатлантириш амалга оширилди. Сингапур ушбу соҳаларга инвестицияларни қўллаб-қувватлаш ва жалб қилиш учун махсус давлат фондлари ва дастурларини яратди. Масалан, Ҳукумат тараққиёт жамғармаси (GIC) ва Ҳукумат инвестиция жамғармаси (Temasek) қўлаб йирик халқаро молия институтлари ва компанияларига акцияларни сотиб олиб, инвестиция киритдилар. Бу Сингапурнинг халқаро обрўсини оширди ва қўшимча инвестиция жалб қилинишига хизмат қилди.

Мазкур даврда Сингапурда стартаплар ва янги технология компаниялари учун қулай муҳит яратилди. Миллий стратегик ва венчур инвестицияларни ривожлантириш жамғармаси (NEST) стартап ва инновацион лойиҳаларни молиялаштириш ва қўллаб-қувватлаш мақсадида ташкил етилган. Бундан ташқари, тадбиркорлик субъектини рўйхатдан ўтказиш, патент бериш ва лицензиялар олиш тартиб-таомилларини соддалаштириш бўйича қоидалар ва тартибга солиш соҳасида ислохотлар амалга оширилди. Бу Сингапурнинг технология ва инновациялар маркази сифатида жозибадорлигини кучайтирди ва янги технология лойиҳаларига инвестициялар оқимини келтириб чиқарди. Мамлакат ҳукумати томонидан хорижий инвесторларни жалб этиш бўйича турли дастур ва чора-тадбирлар ишлаб чиқилмоқда ва амалга оширилмоқда. Бунга виза ва ишлашга рухсат бериш дастурлари, тадбиркорлик фаолиятини бошлаш учун махсус шартлар ва хорижий тадбиркорлар учун имтиёзлар киради.

Бизнингча, Ўзбекистон Хитой ва Сингапурнинг инвестицияларни жалб қилишнинг қуйидаги усулларини қўллаши мақсадга мувофиқдир:

1. Солиқ имтиёзлари: Хитой ҳам Сингапур ҳам хорижий инвесторларни жалб қилиш учун турли солиқ имтиёзларини таклиф қилади. Масалан, даромад солиғининг паст даражаси ва айрим тармоқлар учун солиқ имтиёзлари ёки грантлар олиш имконияти мавжуд.

2. Илғор инфратузилма: Сингапур ўзининг юқори сифатли инфратузилмаси билан машҳур бўлиб, у замонавий портлар, аэропортлар, алоқа тармоқлари ва технопаркларни ўз ичига олади. Хитой ҳам мамлакатни логистика, транспорт ва технологияларга инвестиция киритиш учун жозибадор жойга айлантиришга қаратилган ишларни кенг олиб боради.

3. Стратегик жойлашуви: Сингапур Осиёда савдо ва инвестициялар учун қулай жойлашган. Бу Сингапурни минтақада ўз бизнес фаолиятини кенгайтиришни истаган халқаро компаниялар учун марказга айлантиради.

4. Инвестицион имтиёзлар ва кафолатлар: Хитой ва Сингапур инвесторлар учун турли хил инвестиция имтиёзлари ва кафолатларни, жумладан, мулк ҳуқуқларини ҳимоя қилиш ва барқарор ҳукуматни таклиф қилади.

5. Ҳукуматнинг фаол қўллаб-қувватлаши: Хитой ва Сингапур ҳукумати турли дастур ва ташаббуслар, жумладан, бошланғич молиялаштириш, таълим ва ўқитиш, тадқиқот ва ишланмалар орқали инвестицияларни фаол қўллаб-қувватлайди.

6. Маҳаллий ҳамкорлар билан алоқалар: Сингапурда қўлаб маҳаллий ҳамкорлар, жумладан, инкубаторлар, акселераторлар ва венчур фондлари мавжуд бўлиб, улар хорижий инвесторларга тармоқ яратиш ва бозорда ўсишга ёрдам беради.

Ўзбекистон Хитой ёки Сингапурнинг инвестицияларни жалб қилишнинг усулларини фойдаланиши мақсадга мувофиқдир. Сабаби улардаги махсус ёндашувлар ва стратегиялар инвесторнинг бизнес эҳтиёжлари ва мақсадларига қаратилганлигидир. Хорижий инвестицияларни жалб қилишда, шунингдек, Европа

давлатлари тажрибаси муҳимдир. Хорижий инвестицияларнинг мамлакатга кириб келишини таъминлашда ҳудуднинг инвестицион муҳит жозибадорлигида Ирландиянинг тажрибаси муҳимдир. Ирландия барқарор иқтисодиёти, паст даражадаги коррупция ва қулай инвестиция муҳити туфайли хорижий инвестицияларни жалб қилиш бўйича етакчилардан бири ҳисобланади. Хусусан, Ирландия ўзининг юқори технологияли тармоқларига, жумладан, дастурий таъминот ишлаб чиқиш ва биотехнологияга инвестиция қилиши билан бошқа давлатлардан ажралиб туради. Бундан ташқари, Ирландия халқаро ташкилотлар билан инвестицияларни жалб қилиш соҳасида фаол ҳамкорлик қилмоқда, бу эса унинг иқтисодиётини ривожлантириш ва халқаро алоқаларни мустаҳкамлашга хизмат қилмоқда.

Ирландия сўнгги ўн йилликларда инвестиция жалб этишда сезиларли ютуқларга эришди ва бу борада етакчи давлатлардан бирига айланди. Биз Ирландия иқтисодиётга инвестицияларни кўпайтириш учун қўллаган асосий қадамлар ва стратегияларни кўриб чиқамиз. Ирландия дастлаб солиқлари паст ва меҳнат ресурслари қулай бўлган мамлакат сифатида тақдим этилди. Бу омиллар ўз бизнесини кенгайтириш учун янги имкониятлар излаётган йирик трансмиллий корпорацияларнинг этиборини тортди. Бунда Ирландиянинг 1973 йилда Европа Иттифоқига қўшилиши катта аҳамиятга эга бўлиб, бу хорижлик инвесторлар учун мамлакат барқарорлиги ва ривожланиши ҳақида сигнал бўлди. Инвестицияларни жалб этишнинг навбатдаги муҳим босқичи Саноатни ривожлантириш бошқармаси ташкил этилиши ҳисобланади. 1949 йилда Ирландия ҳукумати хорижий инвестицияларни жалб қилувчи ва қўллаб-қувватловчи ташкилотни тузди. 1960 йилларда Ирландиянинг Иқтисодий ривожланиш режасини ишлаб чиқиш ҳам инвестицияларни жалб қилишнинг муҳим нуқтаси эди. Ушбу режада мамлакатга инвестицияларни жалб қилиш учун зарур бўлган инфратузилма, таълим ва илм-фанни ривожлантириш бўйича чора-тадбирлар киритилган. Ушбу режа туфайли Ирландия бизнес учун қулай муҳит ярата олди ва хорижий компаниялар ўз технологиялари ва инновацияларини ривожлантириши мумкин бўлган жойга айлантирди. 1990 йилларда Ирландия барча компаниялар учун 12,5 фоизлик ягона даромад солиғи ставкасини жорий этиш орқали инвестицияларни жалб қилиш бўйича яна бир муҳим қадам ташлади. Бу бизнес учун солиқ юкини сезиларли даражада камайтирди ва Ирландияни бизнес юритиш учун янада жозибадор қилди. Бу чора-тадбирлар IT-корпорациялар: Apple, Google, Amazon, Microsoft, Facebook, Oracle, IBM, Intel, Dell, Hewlett-Packard каби йирик корпорацияларни жалб қилди ва Ирландияни ахборот технологияларининг етакчи марказларидан бирига айлантирди. Бундан ташқари, 2000 йилларнинг бошларида Ирландия ўз иқтисодиётини халқаро миқёсда фаол равишда тарғиб қила бошлади. Реклама кампаниялари олиб борилди, кўрғазмалар ва конференцияларда иштирок этиш инвесторларнинг этиборини жалб қилиш ва Ирландияга инвестиция киритишнинг афзалликларини кўрсатиш учун амалга оширилди. Ушбу чора-тадбирлар туфайли Ирландия инвестиция киритиш учун ишончли ва инновацион жой сифатида обрў қозонди.

Бизнингча, Ўзбекистон Ирландиянинг қуйидаги хорижий инвестицияларни жалб қилиш бўйича усуллари қўллагани маъқул:

- тақдимотлар ва бизнес-форумлар ўтказиш: Компаниялар ва тадбиркорлар ўз бизнес ғояларини тақдим этишлари ва потенциал инвесторларни жалб қилишлари мумкин бўлган тадбирларни ташкил этиш;
- солиқ имтиёзларидан фойдаланиш: Ирландия ҳукумати хорижий инвесторларга турли солиқ имтиёзлари ва преференциялар беради, бу эса мамлакатни жозибадор инвестицион манзилга айлантиради;
- маҳаллий венчур фондлари билан ҳамкорлик: истиқболли стартаплар ва инновацион лойиҳаларга инвестиция киритиши мумкин бўлган венчур фондлари билан ҳамкорлик алоқаларини ўрнатиш;
- инновацион кластерларни қўллаб-қувватлаш ва ривожлантириш:

инвестициялар, янги технологиялар ва халқаро ҳамкорларни жалб қиладиган инновацион кластерларни яратиш ва ривожлантиришни қўллаб-қувватлаш;

- молиявий ёрдам ва грантлар тақдим этиш: Ирландия ҳукумати янги бошланувчилар ва кичик ва ўрта корхоналар учун турли хил молиявий ёрдам ва грантлар тақдим этади;

- бизнесни рўйхатга олиш: Ирландия ҳукумати компанияни рўйхатдан ўтказиш ва ташкил этиш жараёнини инвесторлар учун қулайроқ ва жозибадор қилиш учун бизнес ислохотларини жорий қилди;

- маркетинг ва реклама: Ирландияни катта имкониятлар ва юқори даромад келтирадиган жозибадор инвестицион жой сифатида тарғиб қилиш учун кенг қўламли реклама кампаниялари ва тадбирларини ўтказиш;

- халқаро молия институтлари билан ҳамкорликни йўлга қўйиш: Халқаро банклар ва инвестиция фондлари каби халқаро молия институтлари билан ҳамкорлик Ирландияга инвестициялар жалб қилишга ёрдам беради.

Хулоса ва таклифлар.

Мамлакатимизда инвестицион жозибадорликни таъминлашда хорижий инвестицияларни жалб этиш борасида ҳам кўплаб ишлар олиб борилмоқда. Бу борада асосий ишлардан бири давлат мулкларини жадал хусусийлаштириш бўлмоқда. Мамлакатимиздаги фаолият кўрсатмаётган ёки фаолияти самарадорлиги паст корхоналар, бинолар давлат шерикчиликда ёки маълум миқдорда инвестиция киритиш, ишчи ўрни яратиш шарти билан керак бўлса “нол” қийматда хусусий мулк сифатида берилмоқда. Бир сўз билан айтганда ҳукуматимиз томонидан қўлдан келганча иқтисодий ислохотлар олиб борилмоқда. Ўзбекистонда қулай инвестиция муҳитини яратилиши учун кенг ҳаракат қилинмоқда, бу борада хорижий инвесторларга молиявий имтиёзлар ва ҳуқуқлар берилмоқда, бозор инфратузилмаси шакллантирилмоқда.

Юқорида ривожланган давлатларни таҳлили бизга шуни берадики, Ўзбекистон хорижий инвестицияларни жалб этишда:

- макроиқтисодий ва сиёсий барқарорликни таъминлаши;
- инвесторлар учун зарур инфратузилмаларнинг ташкил этилиши;
- бозорларнинг жозибадорлиги ва оптимал логистика тизимини таъминлаши;
- хом-ашё базаси ва ундан фойдаланиш имкониятини таъминлаши;
- малакали ишчи кучини таъминлаш учун олий таълимни ривожлантириши;
- инвесторлар учун солиқ ва божхона тўловлари бўйича имтиёз ва афзалликларни яратиши;
- инвесторларни ҳуқуқларини таъминлаши лозим.

Юқоридагилардан келиб чиқиб шундай хулосага келиш мумкинки, юқорида номи келтирилган индекслардан Ўзбекистонни иштирокини таъминлаш, Ўзбекистоннинг инвестицион муҳитини хорижий инвесторларга намоён қилишда ижобий аҳамиятга эга. Ўзбекистон инвестицияларни жалб этиш бўйича жаҳон тажрибасидан фаол фойдаланиб келмоқда, жумладан, мамлакатимизда иқтисодий барқарорлик сиёсати, кичик тадбиркорлик ва бизнес ривожланиши учун қулай шароитлар яратмоқда, жуда кўплаб инвестиция дастурлари ишлаб чиқмоқда.

Адабиётлар / Литература / Reference:

unctad.org (2023) World investment report 2023 available at: <https://unctad.org/publication/world-investment-report-2023>.

Ғозибеков Д. (2003) Инвестицияларни молиялаштириш масалалари, Тошкент, «Молия».

Ғуломовнинг С.С. (1997) Менежмент ва бизнес асослари (дарслик).-Т.: Мехнат.

Кэмбелл Р., Макконнелл К. Р., Брю., С. Л. (1993) Экономика: принципы, проблемы и полетика. В 2-х томах Таллин, с.399-40.

Михайлова Е.В. (2007) Финансовые рынки и их формирование. Ред. Л. Н. Красавиной.с-357.

Розенберг Д.М. (2007) Инвестиции.-м.:Инфра, с-173.